



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

- Komisija za vanjsku i trgovinsku politiku –

Broj: 02/2-011-231-8/03

Sarajevo, 26. 02. 2003. godine

Z A P I S N I K

**sa 2. sjednice Komisije za vanjsku i trgovinsku politiku
Doma naroda Parlamentarne skupštine BiH
održane 24. 02. 2003. godine**

Drugu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvao je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Anto Spajić, Vinko Radovanović, Osman Brka, Velimir Jukić i Nade Radović.

Pored članova Komisije, sjednici su prisustvovali predstavnici predlagača: Seadeta Cerić, pomoćnik ministra u Ministarstvu vanjske trgovine i ekonomskih odnosa i Tarik Đorđić iz Kabineta predsjedavajućeg Vijeća ministara BiH.

Sjednicom je predsjedavao predsjedavajući Komisije Hasan Čengić. Nakon što je konstatovao da postoji kvorum, predsjedavajući Komisije je predložio sljedeći

DNEVNI RED

1. Usvajanje Zapisnika sa Konstituirajuće sjednice Komisije za vanjsku i trgovinsku politiku;
2. Izvještaj o radu Vijeća ministara Bosne i Hercegovine za 2002. godinu – predlagač Vijeće ministara;
3. Ugovor o slobodnoj trgovini između BiH i Republike Turske, predlagač Predsjedništvo BiH;
4. Ugovor o slobodnoj trgovini između BiH i Republike Makedonije, predlagač Predsjedništvo BiH;
5. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa Konstituirajuće sjednice Komisije za vanjsku i trgovinsku politiku

Zapisnik sa Konstituirajuće sjednice Komisije je jednoglasno usvojen.

Ad. 2. Izvještaj o radu Vijeća ministara Bosne i Hercegovine za 2002. godinu – predlagatelj Vijeće ministara

G. Đorđić, koji je bio predstavnik predlagača za ovu tačku Dnevnog reda, naglasio je u svom izlaganju da je ovo Izvještaj prethodnog saziva Vijeća ministara BiH, te da on nije u situaciji da brani ovaj Izvještaj, kao i da Vijeće ministara u sadašnjem sazivu nema zvaničan stav po ovom Izvještaju.

Nakon toga predsjedavajući je otvorio diskusiju po ovom pitanju. U diskusiji su učestvovali svi članovi Komisije. Mišljenja su bila od krajnje negativnih, tj. da Izvještaj ne treba usvojiti, do onih koja su bila za to da zbog kontinuiteta rada državnih institucija i nadležnosti Komisije o Izvještaju treba raspravljati.

Na kraju diskusije po ovoj tački, jednoglasno je usvojen zaključak da se Izvještaj o radu Vijeća ministara BiH za 2002. godinu uputi Domu naroda u dalju parlamentarnu proceduru.

Ad. 3. Ugovor o slobodnoj trgovini između BiH i Republike Turske, predlagatelj Predsjedništvo BiH

G-đa Cerić, u svojstvu predstavnika predlagača, izložila je prvo proceduru sklapanja međunarodnih ugovora, a zatim i specifičnosti ovog konkretnog ugovora. Ovaj ugovor spada u tzv. “asimetrične ugovore”, što znači da se robe iz Bosne i Hercegovine mogu odmah po ratifikaciji, odnosno, stupanju na snagu Ugovora, izvoziti u Tursku bez carine, dok se za robe iz Turske carina postepeno snižava u periodu od 5 godina. Ugovor je značajan za proizvođače iz Bosne i Hercegovine jer im se pod povoljnijim uslovima otvara tržište od 65 miliona potrošača.

U diskusiji nakon toga, u kojoj su učestvovali svi članovi Komisije, razgovor se vodio o efektima ugovora o slobodnoj trgovini po domaće proizvođače generalno, ali i o procesu pregovora oko pristupanja BiH Svjetskoj trgovinskoj organizaciji, carinskoj politici, zaštiti i podsticajima domaćoj proizvodnji itd.

Komisija je jednoglasno usvojila ovaj Ugovor i predložila Domu naroda Parlamentarne skupštine BiH da donese odluku o davanju saglasnosti za ratifikaciju ovog ugovora.

Iz diskusije po ovoj tački dnevnog reda proizašli su sljedeći zaključci Komisije:

- da se organizuje tematska sjednica koja bi se bavila podsticajima poljoprivredne proizvodnje kroz obzbjeđenje sredstava preko dodatnih poreza na akcizne robe;
- da se od Ministarstva za vanjsku trgovinu i ekonomske odnose zatraži cjelovita informacija o tekućim aktivnostima oko potpisivanja međunarodnih ugovora i o carinskoj politici sa mogućnošću uključivanja Parlamenta u neke od aktivnosti;
- da se Program rada Komisije, kada bude sačinjen, uputi Ministarstvu za vanjsku trgovinu i ekonomske odnose radi blagovremenog uključivanja Ministarstva u aktivnosti Komisije koje se odnose na posjete stranih delegacija Bosni i Hercegovini i obrnuto, u aspektu koji se odnosi na ekonomsku saradnju.

Ad. 4. Ugovor o slobodnoj trgovini između BiH i Republike Makedonije, predlađač Predsjedništvo BiH

G-đa Cerić, u svojstvu predstavnika predlagača, rekla je za ovaj Ugovor da je jedan od bilateralnih ugovora o slobodnoj trgovini koje su zemlje regiona jugoistočne Evrope, kao članice Pakta stabilnosti bile u obavezi da potpišu. I ovaj je ugovor “asimetrični”, tj. robe iz BiH mogu se bez carine izvoziti u Makedoniju, a za makedonske robe carina se postepeno snižava do konačnog ukidanja, nakon tri godine. Obzirom na Odluku o privremenom primjenjivanju, ovaj Ugovor se u praksi već primjenjuje od sredine prošle godine.

Komisija je sa pet glasova “za” i jednim “protiv” usvojila ovaj Ugovor i predložila Domu naroda Parlamentarne skupštine BiH da donese odluku o davanju saglasnosti za ratifikaciju ovog ugovora.

Ad. 5. Tekuća pitanja

- (a) Dogovoreno je da se na sljedeću sjednicu Komisije uvrsti kao tačka dnevnog reda – Nominiranje kandidata iz Bosne i Hercegovine za izbor sudije u Evropski sud za ljudska prava u Strazburu;
- (b) Članovima Komisije distribuiran je Izvještaj sa sastanka Komisije za vanjsku i trgovinsku politiku Doma naroda i Komisije za vanjsku politiku Predstavničkog doma sa Delegacijom Medžlisa Islamske Republike Iran, održanog 13. 02. 2003. godine.
- (c) Dogovoreno je da se Komisija za vanjsku i trgovinsku politiku priključi Komisiji za vanjsku politiku Predstavničkog doma u organizaciji posebne tematske sjednice na temu Step en ispunjavanja postprijemnih obaveza BiH prema Vijeću Evrope i

drugim međunarodnim institucijama, na kojoj će biti prisutni predstavnici Ministarstva vanjskih poslova BiH, Direkcije za evropske integracije, Ureda Vijeća Evrope u Sarajevu, kao i predstavnici medija.

Komisija je jednoglasno donijela zaključak da se aktivnosti ovakve vrste i ubuduće organizuju zajednički i predložila Komisiji Predstavničkog doma da se uvede praksa redovitih periodičnih konsultacija članova dvije komisije.

- (d) Predsjedavajući Komisije usmeno je obavijestio članove Komisije o sastanku sa ambasadorom Egipta u BiH, N.J.E. Salah Elashry.
- (e) Dogovoreno je da predsjedavajući Komisije sa svojim zamjenicima obavi razgovor sa članovima Kolegija Doma naroda u kome će upozoriti na potrebu da se materijali koji spadaju u nadležnost ove Komisije prema članu 25. Poslovnika, ovoj Komisiji i upućuju na razmatranje.

Predsjedavajući Komisije

Hasan Čengić